

PROXECTO CTO. DE GALEGO DE NATACIÓN MÁSTER VERÁN

Tempada 2016-2017. Circular 16-27.

1.- Organización, datas e sede

1.1.- O campionato celebrarase a nivel rexional en dúas xornadas cunha sesión de tarde na primeira xornada e unha de mañá e de tarde na segunda xornada.

1.2.- A data e sede será a establecida no calendario de natación para a presente tempada.

1.3.- Na xornada 1, a sesión de tarde dará comezo ás 17.00 h. Na xornada 2, a sesión de mañá dará comezo ás 10.00 h, e a da tarde, como mínimo dúas horas despois do remate da xornada matinal.

1.4.- Polo menos unha hora antes do inicio da competición a piscina estará a disposición dos nadadores para efectuar o quecemento.

2.- Programa de probas

XORNADA 1. SESIÓN TARDE	XORNADA 2. SESIÓN MAÑÁ	XORNADA 2. SESIÓN TARDE
1.- 400 m libre mixtos 2.- 50 m costas feminino 3.- 50 m costas masculino 4.- 200 m estilos mixtos 5.- 100 m bolboreta feminino 6.- 100 m bolboreta masculino Descanso de 10 minutos 7.- 4x50 m libres masculino 8.- 4x50 m libres feminino	9.- 400 m estilos mixtos 10.- 50 m libre feminino 11.- 50 m libre masculino 12.- 100 m estilos feminino 13.- 100 m estilos masculino 14.- 50 m bolboreta feminino 15.- 50 m bolboreta masculino Descanso de 10 minutos 16.- 4x50 m estilos mixto	17.- 100 m costas feminino 18.- 100 m costas masculino 19.- 100 m libre feminino 20.- 100 m libre masculino 21.- 50 m braza feminino 22.- 50 m braza masculino Descanso de 10 minutos 23.- 4x50 m estilos feminino 24.- 4x50 m estilos masculino

3.- Participación

3.1.- A presente normativa está destinada ás seguintes categorías masculina e feminina:

20+.- de 20-24 Anos (nados anos 1997-1993)	65+.- de 65-69 anos (nados anos 1952-1948)
25+.- de 25-29 anos (nados anos 1992-1988)	70+.- de 70-74 anos (nados anos 1947-1943)
30+.- de 30-34 anos (nados anos 1987-1983)	75+.- de 75-79 anos (nados anos 1942-1938)
35+.- de 35-39 anos (nados anos 1982-1978)	80+.- de 80-84 anos (nados anos 1937-1933)
40+.- de 40-44 anos (nados anos 1977-1973)	85+.- de 85-89 anos (nados anos 1932-1928)
45+.- de 45-49 anos (nados anos 1972-1968)	90+.- de 90-94 anos (nados anos 1927-1923)
50+.- de 50-54 anos (nados anos 1967-1963)	95+.- de 95-99 anos (nados anos 1922-1918)
55+.- de 55-59 anos (nados anos 1962-1958)	100+.- de 100 anos e máis (nados 1917 e anteriores).
60+.- de 60-64 anos (nados anos 1957-1953)	

A idade entenderase cumprida a 31 de decembro de 2017.

3.2.- Nas probas de remudas, haberá 8 categorías, establecidas en base á suma das idades dos 4 compoñentes:

+80 (PREMASTER): Máis de 80 anos (80-99).	+200: Máis de 200 anos (200-239)
+100: Máis de 100 anos (100-119).	+240: Máis de 240 anos (240-279).
+120: Máis de 120 anos (120-159)	+280: Máis de 280 anos (280-319).
+160: Máis de 160 anos (160-199)	+320: Máis de 320 anos

Os nadadores da categoría PREMASTER, SÓ poderán participar nas remudas da categoría PREMASTER (80-99) anos. Os restantes nadadores poderán intervir en TODAS as categorías, incluída a PREMASTER.

3.3.- A participación está aberta a todos os nadadores de clubs galegos maiores de 20 anos. Os nadadores galegos deberán estar en posesión da licenza federativa galega de Máster vixente, non ter licenza territorial ou nacional de nadador, nin estar participando en competicións oficiais de natación por algún club non adscrito á FEGAN.

3.4.- Cada nadador poderá participar, como máximo, en tres (3) probas individuais, unha na primeira xornada e dúas na segunda e en todas as remudas.

3.5.- Non existe limitación en canto ao número de nadadores por club e proba.

3.6.- Cada club poderá inscribir un só equipo de remudas por categoría, os compoñentes han de ser do mesmo club e serán en número tantos como postas teña a remuda.

3.7.- Na cámara de saídas poderá requirirse unha credencial na que figuren unha foto e os datos do nadador, número de licenza e ano de nacemento, que poderá ser substituída por unha fotocopia do DNI.

4.- Inscripcións

4.1.- Realizaranse a través de SDP e a acta de preinscrición que o propio programa xera en formato PDF será remitida á Federación por correo electrónico (inscripciones@fegan.org). Xunto co devandito arquivo remitirase, no mesmo correo, o comprobante do pago da inscrición.

4.2.- As inscricións das remudas enviaranse utilizando o impreso de inscricións de remudas máster, cubrindo todos os apartados. Ademais, enviaranse cubertas as fichas de remudas (composición de equipos de remudas), especificando con claridade os datos que se piden: nome dos compoñentes, nº de licenza, orden en que participan, ano de nacemento. Deberán enviarse por correo xunto coa citada acta de preinscrición.

4.3.- Até media hora antes do comezo de cada sesión poderanse entregar na mesa de secretaría de competición, posibles cambios (compoñentes ou variación da orden de participación) á ficha previamente enviada, pero non se poderán facer cambios de categoría.

4.4.- As inscricións deberán estar en poder da FEGAN antes das 20:00 horas do martes da semana previa á competición, sendo responsabilidade do club que realiza a inscrición asegurarse de que foi recibida pola FEGAN.

4.5.- Os deportistas deberán ser inscritos con marcas acreditadas ou no seu defecto, con marcas aproximadas.

4.6.- Poderán comunicarse as baixas até media hora antes do comezo da competición, non se admitirán altas nin trocos.

4.7.- A entrega da documentación (series e instrucións) efectuarase a partir das 9.00 horas do mesmo día do campionato. Para retirar a documentación será necesaria a presentación da acreditación de Delegado, debidamente selada e asinada polo club. Os clubs recibirán 1 xogo de series, instrucións e 1 de resultados.

5.- Fórmula de competición

5.1.- Disputaranse todas as probas contra o reloxo.

5.2.- As series confeccionaranse segundo os tempos de inscrición, sen distinción de categorías.

5.3.- Puntuación:

- A puntuación nas probas individuais será: 13, 10, 8, 7, 6, 5, 4, 3, 2, 1.
- A puntuación nas probas de remudas será: 26, 20, 16, 14, 12, 10, 8, 6, 4 e 2.

6.- Clasificacións

6.1- Faranse as seguintes clasificacións:

a) Clasificación masculina. Total puntos acadados en probas individuais e remudas masculinas.

b) Clasificación feminina. Total puntos acadados en probas individuais e remudas femininas.

c) Clasificación total. Total puntos da suma da clasificación masculina, feminina e máis os puntos das probas mixtas (se existir).

7.- Títulos e premios

7.1.- Entregaranse medallas aos tres primeiros clasificados en cada proba e categoría masculina e feminina.

7.2.- Situarase unha ou dúas mesas para a entrega (categoría masculina e feminina) para que, previa identificación, se poidan ir entregando as mesmas a medida que se vaian confeccionando os resultados sen parar a competición.

7.3.- Trofeos aos participantes de máis idade na categoría masculina e feminina.

7.4.- Trofeos aos clubs campións en cada unha das clasificacións indicadas na presente normativa.

A Coruña,
Secretaría Xeral FEGAN